



«Հանրակրթական դպրոցների ուսուցիչների և ուսուցչի օգնականների դասավանդման հնտությունների զարգացման ապահովում» ծրագիր

Հետազոտական աշխատանք

Դպրոց՝ Նոր ուղու միջնակարգ

Թեմա՝ Դասի պլանավորում: Պլանավորման արդյունավետ եղանակների կարևորությունը

Վերապատրաստող, մենթոր՝ Մարինե Զարոյան

Ուսուցիչ՝ Կարինե Շերոյան

Բովանդակություն

Ներածություն-----	3
Թեմայի արդիականություն-----	4
Հետազոտության նպատակներ-----	4
Հետազոտության հարցադրումներ-----	5
Հետազոտության խնդիրներ-----	5
Գլուխ 1 Ինչպե՞ս ճիշտ պլանավորել դասը-----	6
Գլուխ 2 Դասապրոցեսի անցկացման մեթոդիկան-----	7
Գլուխ 3 Անդերսոնի և Բլումի տաքսոնոմիաները-----	13
Գլուխ 4 Գնահատում-----	18
Եզրակացություն-----	22
Գրականության ցանկ-----	23

Ներածություն

Կրթական համակարգը մշտապես խնդրի առաջ է եղել ստեղծել մեթոդներ, որոնք կնպաստեն դասապրոցեսի արդյունավետության մեծացմանը ,այն կդարձեն սովորողի համար հետաքրքիր ,մատչելի ընկալելի և միևնույն ժամանակ կլինեն հիմնարար և կնպաստեն բարձր կարգի մտածողության զարգացմանը : Մշակվել են բազմաթիվ մեթոդներ ,մշտապես հակադրվել են ուսուցման ավանդական և ինտերակտիվ մեթոդները ,աշակերտակենտրոն և ուսուցչակենտրոն մոտեցումները , բայց և այնպես մի բան հստակ է՝ ուսուցիչը բացի մասնագիտական խորը գիտելիքներից պետք է ունենա հմտություն դասապրոցեսը դարձնելու արդյունավետ ,մշակելու և կիրառելու նոր մեթոդներ ,չվախենա նորարարություններից ,որոնք աշակերտներին առավելագույնս կներգրավեն դասապրոցեսի մեջ :

Ի վերջո ուսուցանելը, ըստ էության, աշակերտներին սովորելու հարցում օգնելն է, և հետևաբար ուսուցիչը պետք է մտածի թե արդյոք ի՞նչ է տալիս տվյալ դասապրոցեսը աշակերտին:

ԻՆչպես ասել է Մ . Օստոգրադսկին՝ «Ուսուցիչը մարդկային հոգու ինժեներն է»:

Միևնույն ժամանակ հաջողակ ուսուցիչը պետք է կարողանա հոգ տանել սեփական հոգեկան առողջության մասին և տարիների ընթացքում դասավանդի նույն խանդավառությամբ քանզի ուսուցանելը բարդ և պատասխանատու աշխատանք է :

Կրթության համակարգը կարելի դիտարկել որպես «զարգացող գիտություն», որը մշտապես և շատ արագ զարգանում է, ներ են մուծվում բազմաթիվ մեթոդներ ու ուղեցույցեր ,որոնք հնարավորություն են տալիս ուսուցչին հստակ և համակարգված վարել դասապրոցեսը ,այն դարձնելով արդյունավետ ու չնայած ամբողջ աշխարհում ուսուցիչները պնդում են, որ ցանկացած դաս, առարկա՝ աշակերտ տարբեր է և չափորոշիչները չեն կարող լինել միակ և համընդհանուր,յուրաքանչյուր դասապրոցես անկանխատեսելի է ու ուսուցչին սահմանափակել պետք չէ, բայց և այնպես, արդի ժամանակաշրջանում յուրաքանչյուր դասապրոցես պետք է լինի պլանավորված:

Եվ տեղին է մեջբերել Գյոթեի հետևյալ խոսքերը՝ «Ուսուցիչները պետք է իրենց մասնագիտության ողջ գծով կանգնած լինեն արդի գիտելիքների լիակատար բարձրության վրա»:

Դասի պլանավորումը պարտադիր է, որպեսզի դասապրոցեսը լինի համակարգված, իսկ ամեն բոպեն թիրախային: Կան բազմաթիվ հետազոտություններ, որոնք փաստում են, որ պլանավորված դասի ընթացքում ուսուցիչը կարողանում է առավելագույնս հաղորդել, իսկ աշակերտը առավելագույնս յուրացնել ուսուցանվող նյութը: Դասի լավ պլանավորում նշանակում է ,որ շատ որոշումներ, որոնք պետք է կայացվեր դասի ընթացքում, արդեն մտածված են մինչև դասի կայացումը: Եվ եթե նախօրոք պլանավորված է դասը և դրա նյութատեխնիկական միջոցները, ապա ուսուցիչը ավելի շատ ժամանակ կունենա գնահատելու յուրաքանչյուր աշակերտի պոտենցիալ հնարավորությունները, թույլ և ուժեղ կողմերը,դասապրոցեսի թերություններն ու առավելությունները:

Հետազոտության թեմայի արդիականությունը՝

Թեմայի արդիականությունը պայմանավորված է պլանավորված դասի միջոցով արդյունավետ ու թիրախային դասապրոցես ունենալու և մախաժամանակ աշակերտներին մշտապես դասընթացին ներգրավվելու անհրաժեշտությամբ:

Ժամանակակից ուսուցչի խնդիրն է արագ պտտվող կրթության անիվում քայլելու կամ ավելի ճիշտ կլինի ասել վազելու համընթաց: Արագ փոփոխվող մոտեցումները, մեթոդներն ու չափորոշիչները շատ հաճախ կարող են լինել հոգնեցուցիչ, այդ թվում նաև դասի պլանից հրաժարվելը կարող է հեշտ և գայթակղիչ թվալ, բայց և այնպես պլանավորված դասը ճանապարհն է դեպի բարձր մտածողությամբ օժտված աշակերտը: Անկախ նրանից, թե ուսուցիչը փորձառու մանկավարժ է, թե սկսնակ ուսուցիչ, դասի պլանը դասապրոցեսը դարձնում է համակարգված, արդյունավետ և նպատակային:

Հետազոտության նպատակները՝

1. Վերլուծել և հիմնավորել դասի պլանավորման անհրաժեշտությունը:
2. Վերլուծել և հիմնավորել դասի պլանավորման արդյունավետությունը 5 քայլաշարով:
3. Ներկայացնել Անդերսոնի և Բլումի տաքսիոնոմաներով բարձր կարգի մտածողության խթանման միջոցները:

Հետազոտության կարևոր հարցադրումները՝

1. Ինչու՞ է կարևոր դասի պլանավորումը
2. Որքանո՞վ է այն նպաստում դասապրոցեսի արդյունավետությանը
3. Ո՞րն է հետազոտության նպատակը

Հետազոտության խնդիրները՝

1. Ուսումնասիրել և բացահայտել դասի պլանավորման արդյունավետ եղանակների կարևորությունը, ինչը կնպաստի ուսման որակի բարձրացմանը
2. Սահմանել և ներկայացնել 5 քայլաշարով դասի պլանավորման օրինակներ

Ո՞ր առանցքային կոմպետենցիային է ուղղված հետազոտության նպատակի ուսումնասիրումը՝

Օրվա դասի թեմայի բովանդակությանը, նպատակներին, վերջնարդյունքներին համապատասխանող կարողունակությանը:

Հետազոտության թիրախային խումբը և շրջանակը՝ 2րդ դասարան

Գլուխ 1

Ինչպե՞ս ճիշտ պլանավորել դասը

Դեռևս 13-րդ դարում Գլաձոր համալսարանի ուսուցչապետ Եսայի Նշեցին (1250/54-1338թ.) մատնանշում է, որ ուսուցիչը պետք է հանդես գա որպես նյութը մշակող, վերծանող, պարզաբանող: Ըստ ուսուցչապետի՝ ուսուցչի խոսքը պետք է լինի պատկերավոր, գրավիչ, կյանքից վերցված օրինակներով, նա պետք է նյութը մատուցի պարզ, հասկանալի, մատչելի և դասն անցկացնի համակարգված սկզբունքներով: Դասի պլանը ուսուցչի ճանապարհային քարտեզն է այն մասին, թե ինչ պետք է սովորեն աշակերտները և թե ինչպես արդյունավետ ու հեշտ դարձնել սովորելու ընթացքը: Նախքան դասը պլանավորելը ուսուցիչը պետք է ուսումնասիրի դասի թեման, հասկանա տվյալ դասապրոցեսի, մատուցվող նյութի հիմնական նպատակները, որից հետո դասը պլանավորի արդյունավետ եղանակներով, կիրառի համապատասխան մեթոդներ, նշի, թե որ փուլում պետք է իրագործի մեթոդ, ապահովելու համար ուսման բարձր որակ:

Դասի պլանավորման հիմնական բաղադրիչները հետևյալն են՝

Դասի ճիշտ պլանավորման համար հարկավոր է՝
Հստակեցնել /սահմանել դասի նպատակները: Սա դասապրոցեսի ամենից կարևոր օղակն է, ինչի շնորհիվ է միայն հնարավոր հասնել դասապրոցեսի վերջնական արդյունքին: Անհարժեշտ է ճիշտ և հստակ սահմանել դասի նպատակը, քանի որ ճիշտ սահմանված նպատակից է կախված ամբողջ դասապրոցեսի արդյունավետությունը: Որպեսզի հեշտ լինի հասկանալի դասի նպատակը ուսուցիչը պետք է ունենա քանի հարցի պատասխաններ՝

Ո՞րն է դասի թեման:

Ի՞նչ են ուզում, որ աշակերտները սովորեն:

Ի՞նչ են ուզում, որ նրանք հասկանան և կարողանան անել դասի վերջում:

Ի՞նչ են ուզում, որ նրանք վերցնեն կոնկրետ այս դասից:

Շատ կարևոր է դասակարգել դասի նպատակները ըստ իրենց կարևորության: Այս քայլը հնարավորություն կտա դասաժամը կառավարելու և հասնելու առավել կարևոր նպատակներին:

Եվ եթե ժամանակի խնդիր կա պետք է հաշվի առնել հետևյալ հարցերը.

Որո՞նք են ամենակարևոր հասկացությունները, գաղափարները կամ հմտությունները, որոնք ուսուցիչը ցանկանում է, որ աշակերտները կարողանան ընկալել և կիրառել:

Ինչու՞ են դրանք կարևոր:

Եթե ժամանակը սպառվի, ո՞ր նպատակը հնարավոր չէ բաց թողնել:

Եվ ընդհակառակը, ո՞րը կարելի է բաց թողնել:

Ե՛վ հատկապես շատ կարևոր է հստակեցնել վերջնարդյունքները:

Դասապրոցեսի ավարտին պետք է անդրադառնալ դասասկզբում սահմանած վերջնարդյունքներին:

1. Դասարան
2. Առարկա
3. Դասի թեմա
4. Դասի տեսակ
5. Դասի տևողություն
6. Դասի նպատակ
7. Դասի խնդիրներ

8. Վերջնարդյունք
9. Ուսուցման մեթոդներ
10. Ուսումնական նյութեր և պարագաներ
11. Դասի սկիզբ
12. Դասի ընթացք
13. Դասի ավարտ
14. Գնահատում

Գլուխ 2 Դասապրոցեսի անկացման մեթոդիկան Դասի պլանավորումը՝ 5 քայլաշարով

Դասի հաջողությունը մեծապես կախված է դրա անցկացման, աշակերտին դասանյութը ճիշտ մատուցելու, մեթոդներից և հնարաններից, որոնք օգտագործվում են դասապրոցեսի ընթացքում:

Յուրաքանչյուր մեթոդ և հնար պետք է օգտագործվի դասի համապատասխան փուլերում, հաշվի առնելով տվյալ դասարանում աշակերտների կրթական մակարդակը:

Ճիշտ կազմակերպված, պլանավորված դասապրոցեսն է հաջողված դասի բանալին և ընդհակառակը այն ճիշտ չկազմակերպելու դեպքում հնարավոր չէ առաջացնել որևէ հետաքրքրություն և ունենալ հաջողված դաս:

Այս հետազոտական աշխատանքի ընթացքում կուսումնասիրենք դասի պլանավորումը 5 քայլաշարով, կքննարկենք նշված մեթոդով դասի պլանավորման օրինակներ:

Քայլ 1-Դասի սկիզբ՝ խթանում

Այս փուլը շատ կարևոր է, և այս փուլից է կախված դասապրոցեսի հետագա ընթացքը:

Այս փուլում աշակերտները իմանում են՝

ի՞նչ է սպասվում իրենց դասի ընթացքում

ինչու՞ է դա կարևոր

ինչպե՞ս է դա կապված նախկին գիտելիքի հետ

Յուրաքանչյուր ուսուցիչ պետք է իր սեփական փորձով հասկանա, թե, ո՞ր դասարանում դասի սկսման մեթոդներից ո՞րն է ավելի հաջողված և ո՞րն է կիրառելի:

Դասը կարելի սկսել հարցերով տվյալ թեմայի շուրջ:

Պարզել թե աշակերտները ի՞նչ գիտեն կամ ի՞նչ են մտածում տվյալ թեմայի վերաբերյալ:

Դա անելու տարբեր եղանակներ կարելի է կիրառել, ուղղակի հարցը հնչեցնել, գրել գրատախտակին և հանձնարարել աշակերտին գրել պատասխաններ կամ նմանատիպ այլ հարցեր, կարելի է խրախուսել նաև փոքր խմբերով քննարկումները: Բավականին հաջողված հնարներից է բոլորիս հայտնի՝ **մտագրոհը**, որի ընթացքում հատկապես կարևոր է, որ աշակերտները ուսուցչի հնչեցրած հարցին արագ, առանց երկար մտածելու պատասխաններ տան: Այս մեթոդով ուսուցիչը հայտնաբերում է նաև աշակերտների սխալ պատկերացումները տվյալ թեմայի շուրջ և կարողանում է թիրախային շեշտադրումներ կատարել:

Կարելի է սկսել տեսանյութ դիտելով տվյալ թեմայի շուրջ, տեսանյութը կարող է ուղղակի հետաքրքիր նյութ լինել կամ ունենալ փոքրիկ հասկացություններ ուսուցանելու նպատակ:

Տվյալ թեմայի բովանդակության հետ կապված առարկաները դասընթացում ներգրավելը ևս հետաքրքիր մեթոդ է դասի սկսման այն կարող ենք ուղղակի ցուցադրել կամ խնդրել աշակերտներին շոշափելով հասկանալ ինչ առարկա է և ինչ կապ ունի տվյալ թեմայի հետ:

Տարրական դասարաններում երբեմն կարիք է լինում թարմացնել աշակերտներին և

կարելի է աշակերտներին ուրբի կանգնեցնել և թույլատրել նստել միայն, երբ կպատասխանեն ձեր հարցին թեմայի շուրջ:

Կարելի է նաև դասը սխալներից և օրինակ քննարկել այն սխալները որոնք շատ են կատարվել առաջադրանքներում:

Այս փուլում կարող ենք կիրառել հետևյալ հնարները ևս՝ Պրիզմա, 5 բոպեանոց շարադրանք, կանխագուշակումների աղյուսակ, խաղ-վիկտորինա և այլն:

2-րդ քայլ՝ Նոր նյութի ներկայացում

Այս փուլում պետք հստակեցնել նոր նյութի հիմնական դրույթներն ու հասկացությունները, սահմանել նպատակներն ու վերջնարդյունքները, որոնց դասի ավարտին հնարավորինս պետք է հասնել: Նյութը չպետք է լինի ծավալուն, հարկավոր է այն ներկայացնել հնարավորինս մատչելի: Որպեսզի ուսուցչի մատուցած նյութը լինի մնայուն հարկավոր է կիրառել այնպիսի հնարներ ու մեթոդներ որոնք կնպաստեն գիտելիքի ամրապնդմանը և արդեն ունեցած գիտելիքների հետ կապակցմանը: Ուսուցիչը պետք է կիրառի արդյունավետ մեթոդներ դրանք հարմարացնելով տվյալ դասարանի, տվյալ առարկայի առանձնահատկություններին: Այս փուլում պարբերաբար ընդմիջումներով կարելի է կրկնել նյութի որոշակի ծավալը, շեշտադրել հիմնական հասկացություններն ու դրույթները, նպատակներն ու վերջնարդյունքները, այնուհետև անցնել հաջորդ ծավալին: Դասապրոցեսի ընթացքում պետք է կարևորել ոչ միայն մատուցված գիտելիքը, այլև դրա՝ ըմբռնումը, կիրառումը, վերլուծությունը, համադրումը և արժևորումը: Նոր նյութը առավելագույնս ընկալելու համար հարկավոր է այն մատուցել մեկից ավելի ձևերով, նյութը բանավոր ներկայացնելը պետք է ուղեկցվի պատկերներով, նշումներով, լսումներով:

Հնարավորության դեպքում պետք է կիրառել տարբեր ասոցացիաներ, գծապատկերներ, պատկերներ, տեսանյութեր, գործողություններ:

Ավանդական ուսուցման մեթոդներից մեկը՝ ուսուցչի միտումնավոր արված սխալը տվյալ թեմայի վերաբերյալ, նույնպես կարելի է հաճախակի կիրառել հասկանալու աշակերտների յուրացման մակարդակը: Կախված մատուցվող նյութի բարդությունից ու ծավալից, աշակերտների պատրաստվածությունից, ներառական աշակերտներից պետք է պատրաստ լինել միննույն նյութը մատուցել տարբեր մեթոդներով: Այս փուլում կիրառելի են հետևյալ հնարներն ու մեթոդները՝ T-աձև աղյուսակ, Գաղափարների քարտեզ, Վենի դիագրամ, Փոխգործուն նշանների համակարգ, Խորանարդում, Խճանկար, Երեք բանալի և մեկ կողպեք, Շրջագայություն պատկերասրահում:

Քայլ 3 Ուղղորդված /գործնական աշխատանք/

Այս փուլում աշակերտները ուսուցչի ուղղորդմամբ կատարում են թիմային, գործնական աշխատանքներ: Շատ հաճախ այս փուլը դուրս է մնում դասապրոցեսից: Այս փուլում կարելի է կիրառել պոպ կորն, բառ-բանալի, կենաց ծառ հնարները: Ուսուցման նորարական մոտեցումները շատ ավելին են քան ուղղակի դասավանդելը կամ դաս սովորելը, ժամանակակից ուսուցիչը պետք է կարողանա սովորեցնել համագործակցել աշակերտներին, չսահամանափակել աշակերտներին: Այս փուլում կարևոր է, որ բոլոր աշակերտները լինեն ներգրավված: Հարկավոր է աշակերտների մոտ զարգացնել նյութի վերաբերյալ կառուցողական արձագանք ստանալու և

ստրամադրելու կարևոր հմտությունները, հարկավոր է ուսուցանել աշակերտներին՝ տալ իրենց դասընկերներին բովանդակալից մեկնաբանություններ նյութի վերաբերյալ: Սովորելու լավագույն միջոցներից մեկը սովորեցնելն է և հենց այս փուլում պետք է տալ հնարավորություն աշակերտներին ճիշտ ձևով վերաբառադրելու ստացած գիտելիքները:

Քայլ 4 – Ինքնուրույն աշխատանք/ իմաստավորում/

Մենք բոլորս գիտենք թիմային, գործանակյա աշխատանքների «թերությունը» դա է որոշ ինտրովերտ աշակերտների ստվերում մնալը:

5 քայլաշարով դասի պլանավորման առավելությունն է հնարավորություն տալ գնահատել վերը նշված աշակերտների գիտելիքի յուրացման մակարդակը նաև ինքնուրույն աշխատելով: Այս փուլում աշակերտները կատարում են ինքնուրույն աշխատանքներ առանց ուսուցչի և ընկերների օգնության, դա կարող է լինել օրինակ՝ թեստային աշխատանքների տեսքով. . . . կարելի է հանձնարարել աշակերտին նկարագրադել բանաստեղծությունը, իր խոսքերով բնութագրել բանաստեղծին կամ ուսուցանվող նյութը:

Քայլ 5 Դասի ավարտ /ամրապնդում

Այս փուլը ևս շատ կարևոր է դասապրոցեսի արդյունավետության համար: Որպես համեմատություն կարող ենք դասապրոցեսը համեմատել շարադրության հետ ,նշված երկու դեպքում էլ պետք է լինի նախաբան և վերջաբան ,առանց վերջաբան շարադրությունը ավարտվում է անհասկանալի,կտրուկ և առաջացնում է բազմաթիվ հարցականներ: Դասապրոցեսը ևս պետք է ունենա վերջաբան:

Ամերկյան գրականության մեջ օգտագործվում են ջերմացում և սառեցում տերմինները (warm up and the cool down) որպես դասընթացի նախաբան և վերջաբան: Դասի սկզբում հարկավոր է տաքացնել, ջերմացնել աշակերտներին, իսկ ավարտին աստիճանաբար մարել <<կրակը>> և սառեցնել:

Կան դասի ավարտի բազմաթիվ տարբերակներ որոնցից ամենա հաճախ կիրառվողը՝ <<ի՞նչ սովորեցինք այսօր>> պարզ հարցն է և կարևոր է, որ հարցին պատասխանեն աշակերտները ինչը կօգնի հասկանալ ուսուցչին արդյոք նյութը լիարժեք կամ ճիշտ է ընկալվել:

Տարբերակներից կարելի է նշել նաև 60 վրկ. -ի մեթոդը-մի քանի աշակերտի հանձնարարվում է 60 վրկ. -ի ընթացքում խոսել տվյալ թեմայից, նշված մեթոդով միաժամանակ խթանվում է նաև խոսքի զարգացումը: Կարելի է կիրառել խրախուսանքների տարբերակներ գեղեցիկ, վարժ, կամ բովանդակալից պատմող աշակերտների համար: Այս փուլում հաճախ կիրառվող մեթոդներից է՝ ելքի քարտ, ԳՈՒՍ. . . Օրինակ եթե մեր դասը տեխնոլոգիան է կամ կերպարվեստը որպես դասի ավարտ աշակերտներին կարելի է հանձնարարել կարգի բերել աշխատատարածքը, որպես կարևոր սովորության:

Այս փուլում քննարկվում է նախորդ բոլոր փուլերը, մատուցված նյութի հիմնական դրույթներն ու հասկացությունները, նյութը համակարգվում է և ավտոփվում ինչպես նաև տրվում են արտադասարանային աշխատանքները:

5 քայլով պլանավորման ձևանմուշ՝

Ուսուցչի ազգանուն, անուն-
Առարկա-
Դասի թեման-

Դասի տեսլականը	Դասի նպատակը	<i>Կարևոր դրույթները</i> Ի՞նչ գիտելիքներ և հմտություններ են մտնում դասի նպատակի մեջ:	<i>Անհրաժեշտ նյութերը</i> Ի՞նչ է անհրաժեշտ դասի համար- դիդակտիկ պարագաներ:
Դասի ընթացքը, մեթոդները	Գնահատում Նկարագրեք ինչպես պետք է չափեք մասնակիցների առաջընթացը կամ դասի նպատակի իրականացումը: Կցեք ամենօրյա գնահատումը, որը պետք է լինի համաձայնեցված, հավակնոտ, չափելի և իրատեսական:.		
	Դասի սկիզբ Ի՞նչ են սովորելու աշակերտները: Ինչու՞ է դա կարևոր: Ինչպե՞ս է դա կապվում նրանց նախկին գիտելիքների հետ: Ինչպե՞ս են սովորելու: Կատար՞ր հիմա... Խթանի՞չ վարժություն, եթե կա:		
	Ուսուցչի գործողությունները	Աշակերտների գործողությունները	Նյութերը/ Ուսուցչի դերը
		:	
	Նոր նյութի ներկայացում Ի՞նչ են սովորում աշակերտները : Ինչպե՞ս են սովորում այդ նյութը: Արդյո՞ք այս ինֆորմացիան բխում է կարևոր դրույթներից:		
	Ուսուցչի գործողությունները	Աշակերտների գործողությունները	Նյութերը/ Ուսուցչի դերը
	Ուղղորդված աշխատանք Արդյո՞ք բազմակի հնարավորություն է տրվում աշակերտներին աշխատելու, օգտագործելու ներկայացված նոր նյութի գիտելիք/հմտությունը: Արդյո՞ք վարժությունները դասավորված են հեշտից դժվար: Արդյո՞ք այդ աշխատանքը վերահսկվում է, եւ աշակերտներին տրվում աջակցություն կամ ուղղորդումկարեւոր դրույթները յուրացնելու համար : Ինչպես եք կազմակերպելու ընկալման ստուգումները: Ինչ եղանակով եք անդրադառնալու սխալներին:Արդյո՞ք ներկայացված նոր նյութը նախապատրաստել է աշակերտներինինքնուրույն աշխատելու : Արդյո՞ք կա դասը լսելու, մասնակցելու եւ համագործակցելուհստակ ձեւակերպված սպասելիքներ:		
	Ուսուցչի գործողությունները	Աշակերտների գործողությունները	Նյութերը/ Ուսուցչի դերը
Ինքնուրույն աշխատանք Ինչպե՞ս է ուսուցիչը հնարավորություն տալիս աշակերտներին ինքնուրույն աշխատելու, կիրառելուստացած գիտելիքները : Արդյո՞ք ինքնուրույն աշխատանքում			

<p>ընդգրկված է նպատակին տանող բոլոր գիտելիք/ հմտությունները: Ինչպես են կազմակերպվելու շտկումները:</p>		
Ուսուցչի գործողությունները	Աշակերտների գործողությունները	Նյութերը/ Ուսուցչի դերը
<p>Դասի ավարտ</p> <p>Ինչպես են աշակերտները ամփոփում և ներկայացնում իրենց յուրացրած նյութի կարեւորությունը: Ինչպե՞ս է երեւում, որ աշակերտները յուրացրել են հիմնական դրույթները և հասել դասի նպատակին: Ինչո՞ւ/ինչպես են աշակերտները ընդգրկված լինելու:</p>		
<p><i>Տեսչին աշխատանք, եթե նախատեսվում է:</i></p>		
<p>Վերլուծություն/անդրադարձ(լրացվում է դասից հետո):</p>		
<p></p>		

Գլուխ 3 Անդերսոնի և Բլումի տաքսոնոմիաները


Այս տաքսոնոմիաները կրթության նպատակները սահմանող դասակարգման համակարգեր են և ներկայացնում են սովորողի ուսումնառության զարգացումն ու առաջընթացը:

Անդերսոնի տաքսոնոմիան Բլումի տաքսոնոմիայի վերամշակված տարբերակն է, և ի տարբերություն ի Բլումի սկզբնական տաքսոնոմիայի տվյալ դեպքում ուսուցման մեջ ներգրավված ճանաչողական գործընթացները նկարագրելու համար օգտագործվում են բայեր, բառեր որոնք ցույց են տալիս գործողություն, գոյականների փոխարեն: Օրինակ <<գիտելիքի>>-ի փոխարեն Անդերսոնի տաքսոնոմիան օգտագործում է <<հիշել>>: Անդերսոնի տաքսոնոմիան ստեղծագործության գաղափարը ներկայացնում է որպես ուսուցման ամենաբարձր մակարդակ, այն վեր դասելով գնահատումից:


Այս ուղեցույցերը հնարավորություն են տալիս ուսուցչին գնահատելու աշակերտի մտածողության մակարդակը՝ ցածր մտածողության մակարդակից (Հիշել) մինչև միջին մտածողության (Ըմբռնել, Կիրառել) և Բարձր մտածողության մակարդակ (Վերլուծել, գնահատել, ստեղծել):

Այլ կերպ ասած նշված տաքսոնոմիաների ճանաչողական տիրույթն ունի կատեգորիաների հիերարխիա, որոնք արտացոլում են ուսուցման գործընթացը պարզից բարդ՝ հիշել տեղեկատվություն նոր բան ստեղծելու համար:

Այս տաքսոնոմիաների առանձնահատկությունը համընդանուր կիրառելիության հատկությունն է, դրանք կիրառելի են տարրական դասարաններից մինչև բարձրագույն ուսումնական հաստատություններ:



Բլումի տարանունիա
Բենջամին Բլումի երիցուկի մեթոդը



- 1 Պարզ հարցեր – ո՞վ, ե՞րբ, հ՞նչ Օր. ՝ Ո՞վ էր փորձում դառնալ պարուհի:
- 2 Մեկնաբանող հարց – Ի՞նչու էր ուզում պարուհի դառնալ:
- 3 Հստակեցնող հարցեր – Արդյոք Լուսինե՞ն էր ուզում դառնալ պարուհի: Որ իրեն ծափահարե՞ն, ցույց տան հեռուստացույցով
- 4 Քնահատող հարց – Լավ էր, թե՞ վատ, որ Լուսինեն ցանկանում էր պարուհի դառնալ:
- 5 Ստեղծագործական հարց – Ի՞նչ կլինի, եթե Լուսինեն դառնա պարուհի:
- 6 Պրակտիկ հարց – Ինչպե՞ս կվարվեիր դու, եթե լինեիր Լուսինեի դերում

Դասի պլանի օրինակելի նմուշ

Առարկա՝ Մայրենի

Դասարան՝ 2-րդ

Դասի թեման՝ Երևան

Դասի տիպը՝ Գիտելիքների ամրապնդման, կարողությունների, հմտությունների ձևավորման դաս

Դասի նպատակները

> *Գիտելիք*

.Ընդլայնել հայրենիքի և շրջապատող աշխարհի մասին գիտելիքները

.Հարստացնել բառապաշարը

.Զարգացնել որոշ պատկերացումներ հայ ժողովրդի պատմության , մշակույթի վերաբերյալ

> *Կարողություն*

.Ձևավորել անսովոր իրավիճակներում և առաջադրանքներում կողմնորոշվելու և ոչ ստանդարտ լուծումներ տալու կարողություն

.Ձևավորել հարցեր տալու կարողություն

.Զարգացնել դերերով կարդալու կարողություն

.Ձևավորել ժամանակի և տարածության մեջ կատարված փոփոխությունները տեսնելու և գնահատելու կարողություններ

> *Վերաբերմունք*

.Ձևավորել հոգատար վերաբերմունք հայրենիքի նկատմամբ

> *Արժեք*

.Խրախուսել և խթանել հայրենիքի հանդեպ սերը

Խաչվող հասկացություններ

.Ժամանակ և տարածություն

.Քայլ 1 Դասի սկիզբ/խթանում (3-5 ր.)

Դասի ընթացք


.Քայլ 2 Հիմնական մաս (20-25ր).

.Քայլ 3 -առաջադրանք 6- կատարել ուսուցչի օգնությամբ

.Քայլ 4-առաջադրանք 7 -ինքնուրույն աշխատանք

.Քայլ 5 դասի ամփոփում և անդրադարձ(7-10ր.)

Գնահատում(5ր.)



Դասի վերջնարդյունքները

- . դերերով ընթերցել տեքստը՝ համապատասխան արտահայտչական միջոցներով ու հույզերով
- . Սովորի <<աչքի առաջ>> բառերը օգտագործելով բառակապակցությունների և նախադասությունների մեջ
- . Սովորի հարցեր տալ, ձևակերպի հարցեր առաջադրված պատասխանների համար
- . Ճանաչի Երևանի դրոշը,զինանշանը ,օրհներգը
- . Ամրապնդի է—Ե ուղղագրության իմացությունը
- . Գնահատի դասի ընթացքում իր ձեռքբերումները

Կապը ՀՊՉ տարրական ծրագրի վերջնարդյունքների հետ

- . S1,S7,S8,S9,S14,S16,S17,S18,S22,S23,S25

Ուսուցման ոճեր

1. Վիզուալ(տեսողական)

Դիտում է դասագրքի տեքստը,պատկերները,նկարագարդումները

2. Աուդիալ (լսողական)

Լսում է ընկերների,ուսուցչի խոսքը,Երևանի օրհներգը

3. Կինեսթետիկ

Բացում է դասագրքի QR կոդը՝կատարելով տրված առաջադրանքները,կատարում է գրավոր առաջադրանքները

ԿԱՊԿՈՒ սովորողների առաջադրանքները

Նվազագույն

- . Ունկդրել Երևանի հիմնը
- . Գունագարդել Երևանի դրոշը
- . Դիտել նկարագարդումները

Գլուխ 4 Գնահատում

Գոյություն ունեն գնահատման 3 փոխկապակցված տեսակներ՝ հայտորոշիչ, ձևավորող, ամփոփիչ:

Ուսումնական գործընթացի հիմնական բաղադրիչը ձևավորող գնահատականն է, ինչի շնորհիվ բացահայտվում է աշակերտի և ամբողջ դասարանի առաջընթացը, ձեռքբերումները և նաև դժվարությունները:

Ձևավորող գնահատումը օգնում է ուսուցչին ընթացիկ արդյունքների հիման վրա նախանշել իր և աշակերտների քայլերը: Ուսուցչի քայլերի ճշգրտումը և զարգացնող առաջադրանքների կիրառումն օգնում են բարելավել սովորողների ձեռքբերումները:

Դասի յուրաքանչյուր փուլում ուսուցիչը ժամանակ առ ժամանակ, հարցերի դիտարկումների միջոցով պետք է ստուգի, թե արդյո՞ք աշակերտները չեն շեղվել նախատեսված նպատակներին տանող ուղուց:

Կան հնարներ որոնք օգնում են ուսուցչին գնահատելու սովորողների ձեռք բերած գիտելիքները:

Այս հնարները լավ միջոց են սովորողների ինքնուրույն աշխատանքները խթանելու, ինչպես նաև կազմակերպելու ինքնագնահատում և փոխադարձ գնահատում:

<<Ձերմաչափում>> մեթոդ

Այս մեթոդի նպատակն է՝ բացահայտել թե սովորողները որքանով են ճիշտ կատարում հանձնարարությունը:

<<Հարցադարան>>- ՄԻ շարք հարցադրումներով ուսուցիչը որոշում է , թե որ գիտելիքը կամ հասկացությունը չի յուրացվել սովորողների կողմից: Օր.՝ Ի՞նչ նոր բան այսօր իմացանք: Ո՞ր տեղեկությունն էր ավելի հետաքրքիր: Ի՞նչն էր դժվար: Ի՞նչը խանգարեց աշխատանքին և ինչու՞ :

<<Խմբագրական խորհուրդ>>-Այս հնարը սովորողներին շարադրություն գրելուն նախապատրաստելու շատ հարմար միջոց է:

<<չորս անկյուններ>>-աշակերտները արտահայտում են իրենց վերաբերմունքը նախապես հնչեցրած պնդումների վերաբերյալ՝

1. Լիովին համաձայն եմ
2. Համաձայն եմ
3. Համաձայն չեմ
4. Բացարձակ համաձայն չեմ

Ձևավորող գնահատման 5 գաղափար

Ձևավորող գնահատումն ուսուցչի կողմից գնահատման 5 բաղադրիչների պլանավորված և պարբերական օգտագործումն է ամենօրյա աշխատանքում: Ձևավորող գնահատման առանձնահատկությունն այն է, որ գնահատման ձևերն ու հնարները կիրառվում են յուրաքանչյուր դասին: Ձևավորող գնահատումը կիրառվում է թե՛ ուսուցչի, թե՛ սովորողի համար ընդունելի ձևերով և հնարներով:

Ձևավորող գնահատման գործիքները բազմազան են, և ցանկալի արդյունքի հասնելու

համար պետք է կիրառել նպատակային եւ հետեւողականորեն: Կարելի է սկսել ձեւավորող գնահատման ոչ ժամանակատար, ամենօրյա գործածության համար հարմար գաղափարներից:

Գաղափար 1. Արդյունավետ սկիզբ եւ ավարտ:

Կարելու է դասի համար ապահովել արդյունավետ սկիզբ եւ ավարտ՝ օգտագործելով առաջին եւ վերջին 5 րոպեները: Տալիս ենք հարցեր անցած թեմայից կամ կիրառում կարճ հարցաշար: Ընդ որում, եթե էլեկտրոնային ռեսուրսները բավարար չեն, կարելի է խնդրել սովորողներին փոքրիկ թղթիկների վրա գրել յուրացրած եւ ոչ այնքան լավ յուրացրած հարցերը, գաղափարները եւ գցել երկու տարբերակված արկղիկների մեջ: Սա կօգնի հստակեցնել թեմայի յուրացման ամբողջական պատկերը: Իսկ եթե հնարավորություն կա օգտագործելու [Google Forms](#), [Poll Everywhere](#), [Edulastic](#) հարթակները, ժամանակի մեծ տնտեսում կլինի:

Դասի ավարտին սովորողները կարող են «3-2-1» մեթոդով անդրադառնալ իրենց աշխատանքին եւ ձեռքբերումներին, նշելով՝ 3 բան, որ յուրացրել են, 2 բան, որոնց մասին կուզեին ավելին իմանալ եւ 1 բան, որ չեն հասկացել:

Ապա սովորողները կարող են շրջել սենյակում եւ ծանոթանալ միմյանց նշումներին, լրացումներ կատարել իրենց թերթիկներում:

Կարելի է նաեւ սովորողներին առաջարկել ինքնագնահատման հարց՝ «Ի՞նչը ես այլ կերպ կանեի հաջորդ դասին»:

Գաղափար 2. Նվազ ազդեցություն ունեցող թեստեր

Թեստերի կիրառումը արագ հետադարձ կապի հնարավորություն է տալիս եւ օգնում է լավ հասկանալ սովորողների կողմից հիմնական եզրույթների, տվյալների եւ գաղափարների յուրացումը:

Կան հավելվածներ, օրինակ՝ Zipgrade-ը (<https://www.zipgrade.com/>), որոնց օգնությամբ կարելի է արագ դուրս բերել թեստային թերթիկները եւ կիրառել: Նվազ ազդեցության թեստերի կիրառումը հարմար է նրանով, որ դրանց արդյունքները չեն ազդում կիսամյակի գնահատականի ձեւավորման վրա, այլ յուրաքանչյուր սովորողի համար բացահայտում են, թե թեմայի իմացության ինչ մակարդակ ունեն տվյալ պահին:

Գաղափար 3. «Մեծ եղբայրդ հետեւում է քեզ»

Ուսումնառության արդյունքները կարող են հեշտ չափելի լինել, անգամ եթե սովորողներին նման առաջադրանքներ են տրվում.

- Ընկերոջդ նամակ գրիր, որում բացատրում ես անցած թեմայի հիմնական գաղափարները:

- Նկարի՛ր պատկեր, որը ակնառու կդարձնի թեման:

- Մտածի՛ր նյութի շուրջ և հետո քննարկի՛ր ընկերոջդ հետ:

Ուսուցիչը շրջում է դասարանում, նշումներ է անում կամ լրացնում է նախապես պատրաստած դիտարկման թերթիկը, որն ավելի հարմար է և հնարավորություն է տալիս ավելի նեղացնելու սովորողներին ուսումնասիրելու դիտանկյունը և կատարել արդյունավետ գրառումներ:

Գաղափար 4. Ձևաչափը՝ հարցազրույց

Որպեսզի սովորողներն ավելի խորանան ուսումնասիրվող թեմայի մեջ, կարելի է օգտագործել հարցազրույցի, բանավեճի եւ քննարկման ձևաչափերը:

Կարելի է կազմակերպել նաև 3-րդականոց անհատական հարցազրույցներ սովորողների հետ: Սրա համար կարիք կլինի շատ ժամանակ ծախսել, սակայն հարկ չկա հարցազրույց անցկացնել բոլոր թեմաների եւ նախագծերի ժամանակ:

Որպես այլընտրանք՝ կարելի է սովորողներին բաժանել զույգերի և տալ հետադարձ կապի տարբերակ.

- Ասել ընկերոջը, թե ինչն իրեն դուր եկավ նրա ելույթում:

- Տալ մեկ հարց եւ պարզաբանել, թե ինչպես կարելի է բարելավել պատասխանը:

Ինքնամփոփ սովորողների համար կարելի է օգտագործել [Flipgrid](#), [Explain Everything](#), կամ [Seesaw](#), հավելվածը, որը հնարավորություն կտա պատասխանները գրել նախապես:

Գաղափար 5. Արվեստ

Այն միջոցները, որոնք նախատեսում են դիտագնական ռեսուրսների շուրջ աշխատանք, նույնպես կարող են ձեւավորող գնահատման գործիքներ դառնալ:

Սովորողները կարող են նկարել, կոլաժներ եւ քանդակներ ստեղծել, ինչը նրանց հնարավորություն կտա միավորել անցած նյութը մեկ ամբողջության մեջ: Նրանք կարող են բեմականացում ներկայացնել որեւէ գրական թեմայով կամ անգամ պարով ցուցադրել բջիջների բաժանումը, ծաղկի բացվելը, բույսերի ծլելը եւ այլն: Ձեւավորող գնահատման գործիքները տարբեր են, եւ յուրաքանչյուր դասավանդող կարող է ընտրել իրեն եւ իր դասարանին առավել հարմարը: Կարելու է այն է, որ ձեւավորող գնահատումը բարձրացնի յուրաքանչյուր սովորողի՝ իր իսկ ձեռքբերումների, առաջընթացի գիտակցումը, իսկ դասավանդողին հնարավորություն տա ժամանակին փոխելու ուսուցման ընթացքը, հասկանալու սովորողների կարիքները՝ ամփոփիչ գնահատմանը ավելի պատրաստ դարձնելու համար:



Եզրակացություն

Հետազոտական աշխատանքի արդյունքում պարզ դարձավ՝

. Դասի պլանավորումը կարևոր և անհրաժեշտ է դասապրոցեսը ճիշտ կազմակերպելու և դասաժամը արդյունավետ օգտագործելու համար:

. 5 քայլով դասի պլանավորումը արդյունավետ և հարմար եղանակ է, այն հնարավորություն է տալիս սովորողին ուսուցանվող թեման ուսումնասիրել, հետազոտել, բացահայտել և ստեղծագործել: Այս եղանակով դասի պլանավորման դեպքում հնարավոր է կիրառել բազմաթիվ մեթոդներ ու հնարներ դասի տարբեր փուլերում, ինչի արդյունքում թեման առավել հեշտությամբ է յուրացվում ու ամրապնդվում:

. 5 քայլով դասի պլանավորման դեպքում ուսուցչի աշխատանքը հեշտանում է, քանի որ հստակ նշվում է յուրաքանչյուր քայլում ուսուցչի աշխատանքը, նպատակը, վերջնարդյունքները, խնդիրները, խաչվող հասկացությունները, ներառարկայական և միջառարկայական կապը, արժեքային համակարգը, սովորողի դիրքորոշումը, պատճառը և հետևանքը: Այս բոլոր քայլերը ի վերջո հանգեցում են վերջնարդյունքին:

. Լայն հնարավորություն է տալիս սովորողներին՝ ինքնագնահատել, փոխադարձ գնահատել, հայտնել իրենց կարծիքն ու հիմնավորել այն:

. Հստակ նշվում է, թե որ կարողությունն է պետք զարգացնել թեման ուսուցանելու ընթացքում:

. նշվում է կապը ՀՊԶ-ի հետ:

Իմ աշխատանքում ներկայացրել եմ 5 քայլով դասի պլանավորման օրինակներ, ուսումնասիրել ու կիրառել եմ առանձնահատկությունները:

Այսպիսով՝ այն բազմաբովանդակ, համալիր և արդյունավետ միջոց է ճիշտ կազմակերպելու դասի պլանավորումը:

Գրականության ցանկ

1. Ա. Հ. Սվաջյան և ուրիշներ: <<Ուսուցչի օգնականի ձեռնարկ>, մեթոդական ուղեցույց: Երևան 2022
2. Վ. Ա. Սարգսյան, Ելենա Ջիլավյան, <<Մայրենի 2 մեթոդական ուղեցույց>>:
3. kznakgnahatum.blogspot.com
4. Սերոբ Խաչատրյան <<Ուսուցման արդյունավետ հնարներ>> Երևան Ֆրիդրիխ Էբերտ հիմնադրամ, Հայաստան 2020
5. Կրթության, գիտության նախարարություն, Տեղեկագիր, Երևան, 2011